



LAERSKOOL LOCHNERHOF
Sarel Cilliersstraat, Strand / Posbus 124, Strand
Tel: 021-854 7316 / Faks: 021-853 4711
E-pos: admin@lochnerhof.co.za
Webtuiste: www.lochnerhof.co.za
SMS: LH (gevolg deur boodskap) na 34050



NUUSBRIEF 4 VAN 2013

UIT DIE HOOF SE PEN

ONS LEEF ONS DROOM

RESPEK

"Ons daaglikse optrede is grotendeels die uitvloeisel van die mate van respek of gebrek daaraan wat ons het vir ons medemens. Die manier waarop werknemers hulle werk doen, is 'n produk van die mate van respek wat hulle het vir hulle baas. Kinders se gedrag vloei voort uit hulle respek vir hulle ouers. Die manier waarop mans en vroue teenoor mekaar optree, is sekerlik 'n uitvloeisel van hulle wedersydse respek en bewondering". - James Dobson -

Die oueraande is afgehandel. Baie dankie vir al die ouers wat die oueraande bygewoon het.

DAGBOEK

DINSDAG, 5 FEBRUARIE	BRING HERWINNING SKOOL TOE
DONDERDAG, 7 FEBRUARIE	KUIEROGGEND GR.1-3
VRYDAG, 8 FEBRUARIE	INLOERDAG GR.4



ANKERFEES 8-9 MAART

GRONDSLAGFASE

Al ons blinkoog kinders is besig om hard te werk en lekker te speel.

By Lochnerhof gee ons gratis **didaktiese hulp** vir leerders wat hulp nodig het. Die leerders vind baie baat by individuele aandag waar die spesifieke probleem of probleme opgelos en vasgelê word. Dit is baie belangrik dat u kind wel die klassies bywoon. Dit mag wees dat u kind na die klas moet kom vir ekstra vaslegging van nuwe werk. Klasse sal in die week van 11 Februarie begin. U kind sal in dié week 'n brief ontvang indien sy/hy vir didaktiese hulp moet kom.

Ons het Donderdag 'n Grondslagfase **kuieroggend** en nooi graag almal vanaf 07:45 om saam te kom tee/koffie drink in die aktiwiteitsentrum.

Ware woorde: *Kinders is geskep om te vlieg, maar hulle het wind nodig: die ondersteuning en krag wat kom van onvoorwaardelike liefde, aanmoediging en gebed. - GG Tchividjau -*

ETIKET: ONS SÊ DANKIE EN ASSEBLIEF WANNEER ONS IETS ONTVANG OF VRA.

Lochie-van-die-Week: Gr.1-3

GR.1A NIKA HANEKOM

GR.1B JEANDRÉ HUNLUN

GR.1C DELENÉ BOSMAN

GR.1D MIA STEYN

GR.1E ANYA LÖTZE

GR.2A GERHARD ERASMUS

GR.2B RENÉ VOIGT

GR.2C JANIQUE ATSELL

GR.2D ZOË STRAUSS

GR.3A SHANELLE SMITH

GR.3B LITHA SCHUTTE

GR.3C RIKUS HEYNS

GR.3D LANÉ BARNARD

SENIOR EN INTERMEDIËRE FASE

Baie dankie aan al ons ouers wat verlede week die onderskeie oueraande bygewoon het. Ter wille van u gerief het ons die akademiese inligting wat tydens die oueraande deur-gegee is, op die skool se webblad geplaas. Dankie ook aan almal wat saam met ons gekuier het tydens Vrydag se Kuieroggend. Graad 4-ouers moet asseblief nie vergeet van eerskomende Vrydag se Inloerdag nie – ons sien daarna uit om u in die klasse te verwelkom.

Sterkte met die eerste toetsreeks van die jaar. Kom ons moedig ons kinders aan om hard te werk sodat hulle hul mikpunte vir die kwartaal kan bereik.

GR.4 INLOERDAG

Ons wil graag ons Gr4-ouers nooi om ons Inloerdag op Vrydag, 8 Februarie van 07:30 tot 10:00 by te woon. (Ouers kan verdaag soos omstandighede pas). U sal die geleentheid kry om in u kinders se klaskamers te wees en te ervaar wat hulle elke dag doen. Ons kinders en onderwyseresse sien uit daarna om u te verwelkom in hul klasse!



SKOOLBUSSIE

Die Beheerliggaam wil graag ons ouers in kennis stel dat een van ons skoolbussies gedurende die Desember-vakansie op ons skoolterrein gesteel is. Die saak is aangemeld by die SAPS vir verdere ondersoek.

SPORT

Graag gee ons terugvoering oor ons persentasie deelname aan die kleure-atletiek. Een van ons doelwitte by atletiek is om massadeelname aan te moedig. By die Grondslagfase (gr.1-3) het 99,8% van ons leerders deelgeneem aan die atletiek. By die Intersenfase (gr.4-7) het 89,2% deelgeneem oor die 2 dae wat die atletiek plaasgevind het. Die gemiddelde deelname vir die skool is dus 94,5 %. Dit is voorwaar 'n besondere prestasie. Dankie aan elke atleet, ouer en onderwyser wat die skool op so 'n besondere manier met die atletiek gedien het.

Die son is baie warm. Maak seker u kind dra 'n hoed tydens sportoefening/wedstryde, drink genoeg water en gebruik sonskerm. Daar is Lochie-pette beskikbaar by die klerebank.

Weens die diefstal van een van ons skoolbussies, het ons 'n tekort aan vervoer. Ons versoek graag die hulp van ons ouers om te help met vervoer gedurende wedstryde ens.

TOELATING 2014

U kan nou reeds begin aansoek doen om toelating vir gr.RR, gr.R en gr.1-leerders vir 2014. (Huidige gr.RR en gr.R hoef nie weer aansoek te doen nie). Vorms is by die skool beskikbaar of op ons webtuiste. Slegs aansoeke met die vereiste dokumentasie sal ingeneem word. Kontak mev. Natasha Van Nelson vir enige navrae by 021-8547316 of admin@lochnerhof.co.za

OUERS IN SKOOLGEBOU GEDURENDE SKOOLURE

Ons rig 'n dringende versoek tot ALLE ouers om nie gedurende skoolure binne die skoolgebou te wees om hul kind se klaskamer te besoek om items af te lewer wat tuis vergeet is, of om selfs hul kinders by die klaskamers af te haal nie. **RAPPORTEER ASSEBLIEF BY ONTVANGS** waar mev. Corna Cooke u sal help. Sien ook asseblief toe dat u kind al sy/haar besittings/nodige boeke by hom/haar het voordat hul die huis verlaat. U samewerking in hierdie verband word waardeer - ons respekteer ons opvoeders en kinders se onderrigtyd.

GR.7-FONDSINSAMELING

As deel van die graad 7-fondsinsameling verkoop ons baie mooi Lochnerhof pawiljoen kussings! Dis navy met 'n pragtige Lochie vat Vlam logo op geborduur. Die koste beloop R120 per kussing. Dit kan bestel word by Nanette Prinsloo, tel. 0823818794, e-posadres Nanette@ctstrailers.co.za. Bestel asb. spoedig om teleurstelling te voorkom!



PERSONALIA

Baie geluk aan **mnr. Carel Smit** (faktotum), **me. Alida Gongo** (algemene werkster) wat verlede week hul verjaarsdae gevier het.



PADREËLS

Ons doen 'n versoek aan ons ouers om asb. self ook die padreëls te gehoorsaam. Gebruik bv. die voetoorgang indien u oor die pad stap saam met u kind. Kinders volg hul ouers of ander grootmense se voorbeeld en doen dieselfde. Verkeerde optrede kan noodlottig wees vir uself en die kind. Ons veiligheid van ons kinders is baie belangrik.

Lochie-Wiskundesentrum

Inskrywingsvorm vir 2013

Besorg asb. die onderstaande inskrywingsvorm teen Vrydag, 1 Februarie 2013 by die sekretaresse. Klasse begin Maandag, 4 Februarie 2013.

Tye vir groepklasse:

- Gr. 4 Maandag: 14h00-15h00
- Gr. 5 Maandag: 15h00-16h00
- Gr. 6 Dinsdag: 14h00-15h00
- Gr. 7 Dinsdag: 15h00-16h00

Privaatklasse: Donderdagmiddag.

Prys: Groepklasse: R50/klas
Privaatklasse: R80/klas

U kan my gerus kontak vir enige navrae by: **Selno.: 0825636919**

E-pos: hannelie61@gmail.com

Baie dankie!

Hannelie de Wet

Knip onderstaande vorm af en besorg teen 4 Februarie by sekretaresse:

Naam: _____ Gr. _____

Selno: _____ Groepklas Ja / Nee
Privaatklas Ja / Nee

